

Tamaitai Talavou

FAAMANATUINA O LE 150 TAUSAGA

Saunia e Amanda Walters
Mekasini a le Ekalesia

O le faalapotopotoga a Tamaitai Talavou ua atoa i le 150 i le tausaga lenei, ma ua oo i le taimi e faamanatu ai! Siaki ane mea moni nei e uiga i le auala ua tupu ae ai le faalapotopotoga mai le 1870 e oo mai i le asō, po o a mea o loo faia e talavou e pei o outou i Tamaitai Talavou i le taimi lenei, ma pe mafai faapefea ona musuia outou e tamaitai i totonu o le talafaasolopito o e na faaalua le lototetele ma le faatuatua.



1870–1920



Igoa: O le Matagaluega a Tamaitai Talavou o le Asosi Toefaalelei Felagolagomai a Tamaitai sa faatulagaina aloaia i le aso 27 o Me 1870, i lalo o le taitaiga a Polika laga.¹ Na suia le igoa i le Asosi o le Faaleleia Tutusa o Tamaitai Talavou i le 1877.²

Faalapotopotoga ma Vasega: O le polokalama a Teine o le Ofagapi sa faatulagaina o se polokalama o le taumafanafana mo teine e 14 ma matutua atu.

Faaleleia ma le Faailoa Aloaiaina: Ua lolomiina le Tusitulima a le Ofagapi i le 1915, ua ootoo mai ai “mata-upu” e fitu mo le faaleleia faaletagata lava ia: Tapuaiga, Aiga, Soifua Maloloina, Faa-tufugaga i Totonu o le Aiga, Gaoioiga Faamalositino, Pisinisi, ma le Auaunaga Faalauaitetele.³

Mekasini ma Apitalaaga: O le lomiga muamua o le *Young Woman's Journal* ua lolomiina i le 1889.⁴ E toatele Asosi o le Faaleleia Tutusa (po o MIA) i le lotoifale sa atinaeina a latou lava nusipepa sa tusitusilima ma sa na o le tasi pe lua kopi sa pasi faasolo i teine e faitau.

1920–1970




Igoa: Ua suia le Asosi o le Faaleleia Tutusa o Tamaitai Talavou i le Asosi o le Faaleleia Tutusa o Tamaitai Talavou i le 1934.⁵

Faalapotopotoga ma Vasega: E lua vasega, Teine Ofagapi mo teine laiti ma le Kilina mo teine matutua atu. Ua suia le matua e ulufale ai i le polokalama mai le 14 i le 12. I le 1950, ua faalauiloa mai le vasega a le Maea Meite.




ATA O SE TAMAITAI TALAVOU O LOO ASOAINA SE PINE AURO (MEDALLIONI) O LE ALUALU I LUMA FAALETAGATA LAVA IA MA SAUNIA E ALICIA CERVA ATA FAAMAUATA O SE TAMAITAI TALAVOU MAI FAALALOGA A LE POTUTUSI O TALAFASOLOPITO O LE EKALESA

Faaleleia ma le Faailoa Aloaiaina: O le faailoga aloaia o le Kilina Auro e faailoga ai le tulaga sili ona maualuga e mafai e tamaitai talavou ona ausia i le polokalama.



Mekasini ma Apitalaaga: O le *Young Woman's Journal* ua tuu faatasi ma le mekasini o le *Improvement Era* mo le autalavou uma i le 1929.⁶

1970–2019



Igoa: Ua suia le Asosi o le Faaleleia Tutusa o Tamaitai Talavou i le Faalapotopotoga o Tamaitai Talavou i le 1974.⁷



Faalapotopotoga ma Vasega: E oo ane i le 1972, o le Faalapotopotoga a Tamaitai Talavou ua tolu ona vasega: Ofagapi (12–13 tausaga), Maea Meite (14–15 tausaga), ma le Lora (16–17 tausaga). Ua amata i le 2019, e ulufale atu tamaitai talavou i le Ofagapi ia Ianuari o le tausaga e atoa i ai lo latou 12.

Faaleleia ma le Faailoa Aloaiaina: O le polokalama o le Alualu i Luma Faaletagata Lava Ia ma le pine auro (medallion) ua faalauiloa mai i le 1977. O tulaga faatauaina a Tamaitai Talavou o le Faa-tuatua, Amio Atua, Taula o le Tagata Lava Ia, Poto, Filifiliga ma le Tali Atu Mo A'u Lava, Galuega Lelei, ma le Amio Sa'o ua faaopoopoina i le 1987.⁸ Ua faaopoopo le Mamā i tulaga faatauaina i le 2008.⁹

Mekasini ma Apitalaaga: O le mekasini o le *New Era* mo le autalavou ua amata ona lolomiina i le gagana Peretania i le 1971, ae o le *Liahona* ua tuuina atu ai tusiga mo le autalavou i le tele o gagana.¹⁰

